



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 188 Zakona o registru zemljišta i prava na zemljište (Službeni glasnik Brčko distrikta BiH, brojevi 11/01, 1/03, 14/03, 19/07 i 2/08), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10) i Prijedloga odluke gradonačelnika broj: 02-01.2-000875/10 od 14. 7. 2010. godine, Skupština Brčko distrikta BiH, na 36. redovnoj sjednici održanoj 2. decembra 2010. godine, donosi

ODLUKU

O IZMJENAMA I DOPUNAMA ODLUKE O OBRAZOVANJU KATASTARSKIH OPĆINA NA PODRUČJU BRČKO DISTRIKTA BiH

Član 1

U Odluci o obrazovanju katastarskih općina na području Općine Brčko broj: 8132 od 21. 7. 1964. godine i Odluke o izmjenama i dopunama Odluke o obrazovanju katastarskih općina na području Općine Brčko broj: 20/1-023 od 5. 3. 1987. godine, u članu 1 tačke 4 i 6 mijenjaju se i glase:

„Tačka 4

Katastarska općina Brčko 1 koja obuhvata zemljište navedeno u zapisniku omeđivanja u KO Brčko 1 i skici razgraničenja između katastarske općine Brčko 1 i katastarske općine Brčko 3, koji su sastavni dio ove odluke.

Tačka 6

Katastarska općina Brčko 3 koja obuhvata zemljište navedeno u zapisniku omeđivanja u KO Brčko 3 i skici razgraničenja između katastarske općine Brčko 1 i katastarske općine Brčko 3, koji su sastavni dio ove odluke“.

Član 2

U članu 2 stav 1 mijenja se i glasi:

„Granice katastarskih općina utvrđuje i obilježava komisija koju imenuje gradonačelnik.“

Član 3

U članu 4 riječi: „Izvršni odbor Skupštine općine Brčko“ zamjenjuju se riječima: „Gradonačelnik Brčko distrikta BiH“.

Član 4

Iza člana 5 dodaje se novi član 5a, koji glasi:

„Član 5a

Nakon stupanja na snagu ove odluke, na katastarskim planovima i u katastarskom operatu izvršit će se izmjene granica područja katastarskih općina Brčko 1 i Brčko 3.“

Član 5

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -318/10

Brčko, 2. decembra 2010. godine

PREDSJEDNIK
SKUPŠTINE BRČKO DISTRIKTA BiH

Mirsad Đapo, dipl. pravnik

Dostavljeno:

1. Predsjedniku
2. Potpredsjedniku
3. Gradonačelniku
4. Odjeljenju za javni registar
5. Sektoru za koordinaciju politika i opće poslove
- Odsjeku za opće poslove
6. Arhivi